

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Zakonodavno-pravna komisija

Broj: 02/2-02-101/21
Sarajevo, 11.01.2021. godine

Na osnovu člana 56. Poslovnika o radu Doma naroda Parlamenta Federacije Bosne i Hercegovine, Zakonodavno-pravna komisija Doma naroda Parlamenta Federacije Bosne i Hercegovine je, na prvoj sjednici održanoj 11.01.2021. godine razmatrao:

1. Konstituiranje Zakonodavno-pravne komisije.
2. Prijedlog Budžeta Federacije Bosne i Hercegovine za 2021.god. – hitni postupak,
3. Prijedlog Zakona o izvršavanju Budžeta Federacije Bosne i Hercegovina za 2021.godinu – hitni postupak,
4. Prijedlog Zakona o dopunama Zakona o budžetima u Federaciji Bosne i Hercegovine – hitni postupak,
5. Prijedlog zakona o izmjenama i dopunama Zakona o unutarnjem platnom prometu – hitni postupak,
6. Prijedlog zakona o izmjeni Zakona o doprinosima – skraćeni postupak,
7. Prijedlog zakona o dopunama Zakona o vanparničnom postupku – skraćeni postupak,
8. Prijedlog zakona o zaštiti okoliša,
9. Nacrt zakona o plinovodu"Južna interkonekcija Bosna i Hercegovina i Republika Hrvatska“.
10. Nacrt zakona o posredovanju u prometu nekretnina.
11. Tekuća pitanja.

Na osnovu člana 51. stav 1. Poslovnika o radu, Zakonodavno-pravna komisija podnosi Domu naroda sljedeći

I Z V J E Š T A J

1. Konstituiranje Zakonodavno-pravne komisije

Dom naroda Parlamenta Federacije Bosne i Hercegovine je na sjednici održanoj 13. februara 2020.godine donio odluku o izboru predsjednika, zamjenika predsjednika i članova radnih tijela U Zakonodavno – pravnu komisiju Doma naroda Parlamenta Federacije Bosne i Hercegovine, izabrani su:

Za predsjednika: Jasenko Tufekčić

Za zamjenika predsjednika: Zdenka Džambas

Za članove:

1. Nijaz Musić
2. Tomislav Mandić
3. Žarko Vujović

4. Mladen Simić
5. Aner Žuljević

Iz reda stručnih, naučnih, kulturnih i javnih radnika, imenovani su:

1. Dragan Brkić
2. Enver Išerić.

2. Prijedlog Budžeta Federacije Bosne i Hercegovine za 2021.god. – hitni postupak

Ustavni osnov za donošenje navedenog zakona sadržan je u odredbi III člana 1. tačke c) i g), koji je izmjenjen amandmanima VIII, LXXXIX i CVI i odredbi IV A. Člana 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije donošenje propisa o finansijama i finansijskim institucijama Federacije i fiskalna politika Federacije kao i finansiranje djelatnosti federalnih vlasti, ustanova i institucija koje federalne vlasti osnivaju, a Parlament Federacije Bosne i Hercegovine je, uz ostale nadležnosti predviđene Ustavom, odgovoran za donošenje zakona o obavljanju dužnosti federalne vlasti.

Vlada Federacije Bosne i Hercegovine predlaže da se Budžet Federacije Bosne i Hercegovine za 2021. godinu donese po hitnom postupku, u skladu sa članom 191. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20) i članom 186. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/19) kojim je utvrđeno da se po hitnom postupku može donijeti samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo izazvati štetne posljedice za Federaciju.

Predstavnik predlagača detaljno je obrazložio Prijedlog Budžeta Federacije Bosne i Hercegovine za 2021.godinu te pojasnio razloge hitnog postupka navodeći, kako slijedi: Svjetska zdravstvena organizacija je dana 11.03.2020. godine proglasila pandemiju novog koronavirusa (COVID-19) u svijetu.

U navedenim okolnostima, prepoznajući složenu situaciju nastalu usljed pandemije COVID-19, a u cilju poduzimanja preventivnih mjera u borbi protiv iste kao i sanacije posljedica nastalih po privredne subjekte, pristupilo se hitnoj pripremi i izradi Budžeta Federacije Bosne i Hercegovine za 2021. godinu, čime su ispunjeni uvjeti iz gore navedenih odredbi poslovnika.

Također, potrebno je uzeti u obzir kašnjenje pri usvajanju Dokumenta okvirnog budžeta za period 2021.-2023. godina (Zaključak V. broj: 1371/2020 od 08.10.2020. godine, koji je Vlada Federacije Bosne i Hercegovine donijela na 239. sjednici, održanoj 08.10.2020. godine), iz razloga što je Fiskalno vijeće Bosne i Hercegovine, tek na 4. sjednici održanoj 18.09.2020. godine, usvojilo Globalni okvir fiskalnog bilansa i politika u Bosni i Hercegovini za period 2021.-2023. godina.